

Em Savayne

Remezan Îsma`il Gereguhî



Savayne savayne
Ronahîya çavayne
Fêqyê nîva mala
Xudê em ho dayine
* *

Me despêke li jînê
Bo xoşî û evînê
Em dê xo berihev keyin
Da em jî bigehînê
* *

Divêt zanînê xirr keyin
Mêşkê xo jê pîrr keyin
Ne bi şev û ne bi roja
Nabît xo lê kîrr keyin
* *

Bibîn kesên zana
Serukên xêzana
Wekî Cigerxwînî
Vehînîn hozana
* *

Umêda bo xo danîn
Rêkên baş bizanîn
Bo evî welatî
Sube em xudanîn
* *

Wekî xudan doza
Digel tev dilsoza
Ahenga bigêrînîn
.Li bihara û newroza